

BUS'BUSI D'E BRON






"Dan Gado taki: ' Fu tru Mi si a pina fu Mi pipel ,di de na Egepti .
Owktu mi yere den krei ,tangi fu den basi di e gi den wroko. Mi
sabi den sari. Mi saka kon fu ferlusu den, fu puru den ini.a kondre
dati, tyari den go na a bun nanga bigi kondre, di e lon fu merki
nanga oni." Eks.3:7,8

Baka di a fadon, di a ben meki mui fu furlusu a folku fu Israel, Moses tan 40 yari ini a sabana fu Median leki wan skapu tiriman. Ini a ten dati, ala di a ben tan krosibei na Gado, a puru a denki fu de a ferlusuman fu Israel, ini en ede.

Ma Gado no ben libi a denki na wan sei.. Fu En, Moses ben de a ferlusuman, di a ben teki. Bika En no ben fergiti a pina na skin fasi fu En pipel, no no. Now a ten ben doro fu puru Israel ini a tranga katibo libi.



Kari (Eksodes 3):

- Busi di ben e bron (Eksodes 3:1-6)
- Gado kebot (Eksodes 3:7-12)
- A nen fu Gado (Eksodes 3:13-22)



Klari a wroko (Eksodes 4):

- Disi mi no man tya, no no (Eks. 4:1-17)
- Drai go baka na Egepti (Eks.4:18-31)



A K A R I

A BUSI DI E BRON

"Drape a engel fu Masra sori ensrefi na en. Ini faya tongo di ben de ini a bus'busi. Moses si dati ala di a bus'busi ben abi faya, a no ben e bron" (Eks.3:2)



Den 40 yari di Moses ben libi ini Midian wi kan poti en sofasi na wan : a trow, kisi tu boi e'n wroko leki wan skapu tiriman gi en frow pa. A gi a ten dati owktu fu skrifi tu buku: Yop nanga Geineses ,di de tru tru fanowdu fu ferstan den prenspari tori fu a blesi libi. Ma alasani kenki ini wan momenti.

Na Horep (Bergi Sinai), a Engel fu Masra sori ensrefi na Moses ini a bus'busi di ben e bron. (Eks.3:1-3). Suma ben de a engel disi ? Gado srefi (Eks.3:4) Bifo a tron libisma, someni leisi Yeises sori ensrefi leki "a Engel fu Yehofa" (Gein. 22:11-17; Krutu 6:11,16 ;13:17- 22; Sagaria 3:1,2).



Di a ben e taki nanga Moses, Gado sori ensrefi leki a Gado fu Abraham, Isa-ak nanga Yakop. A denki ben krin: Gado kon na gron fu meki a pramisi di a ben gi den owru bribisma disi kon tru,fu gi Israel sma a kondre Kana-an (Gein.12:7;26:3;48:3,4).



GADO KEBOT

"Go now, Mi e seni yu, go na Farao fu puru mi pipel, den Israelit na Egepti"
(Eks. 3:10)


Gado e sori Ensrefi leki Wan di e du. Ai gebroiki wortu di e sori du.: luku, saka go, puru. (Eks. 3: 7,8).

Si: Gado no abi wan mi no tye fasi te sma e pina. Ai si alasani. Spesrutu a skin ati nanga onrekfardek fasi teige en folku.
(2 Kownu 9:26)

SAKA KON: Gado no e sdon pi-. Ai kon na gron fu waka mindri wi. Ai tan mindri libisma.
(Eks. 29:45; Yoh. 14: 16,17)

PURU: Gado ini en ten, e sorgu dati wi kon fri fu pina na skin fasi e'n ai hori en pramisi (Yer.29:11)


Gado owktu ben wani bun bun du fu Moses: Go na Egepti e'n puru mi pipel drape. (Eks. 3:10,12) Moses ben si a wroko tumsi hebi gi en. A no ben wani fu gebroiki en krakti a no ben firi dati a ben kan du a wroko, a ben kan taki nomo: "Soma na mi?" (Eks. 3:11) A heimemre fu en frander tron sakafasi. Fu taki leti, a ben de wan momenti pe a ben klari fu du en wroko.



A NEN FU GADO

יהוה

"Gado taigi Moses " Mi de , a di de. Dati yu musu taigi den Israelit:
Mi de, seni mi kon na yu " (Eks. 3:14)




Ala den gado fu Egepti ben abi wan nen,ma Israel ben anbegi a " Almakti Gado" (Eks. 6:3) Baka furu hondro yari ini a takru fu den Egepti sma, den Israelit ben wani fu sabi a nen fu den ferlusuman.(Eks.3:13).

Sensi a ten dati ,wan nen ben tai na a maniri fu a sma .Gado e sori ensrefi nanga wan fu En prenspari maniri . " ehyeh" (Mi de) Gado te'go , alaten a ben de ,e'n alaten a sa tan , En na "MI DE"(Eks.3:14).

Nanga ten,a fasi fa yu e taki a nen disi ben lasi. Gado libi en so, bika san e prei a no a nen srefi ma na a maniri . A tyari wi fa wi wani. Wi kan kari en "Skapu tiri man," "Dresiman,Di e Sorgu,.. "Tata "Lobi."

A prenspari sani de, dati Gado wani wi firi kros'bei ,fu de makandra, de fanowdu e'n wan kros'bei mati.






KLARI A MESI

PARDON MI, PARDON MI

"MASRA, Moses hori doro, tye, seni wan trawan" (Eksodes 4:13)



Bifo a taki krin dati a no ben wani fu du a wroko disi, di Gado ben gi en, Moses presenti fo ‘perfekti ” pardon mi ,fu no duen. Nanga ala “pardon mi",Gado piki nanga wan pramisi.




Suma na mi?" (Eks.3:11)	"Mi sa de nanga yu"(Eks. 3:12)	A krakti fu du san Gado aksi , no de ini wi ma ini disi, dati Gado e gi wi krakti . A sa de nanga wi leki a ben de nanga Moses.
"San na en nen" (Eks. 3:13)	"Mi de ,a Mi de" (Eks.3:14)	Gado getrow, te'go e'n a de nanga wi: Ai pramisi en alaten ai hori en pramisi ;alaten yu kan fertrow den.
"Den no sa bribi mi ,owktu den no sa arki mi".(Eks.4:1)	"Den sa bribi yu, tangi fu den marki di yu sa du« (Eks 4:8)	Gado gi Moses krakti fu du den wondru. Owktu A wroko ini a ati fu a folku fu bribi den wondru .Yeises owktu pramisi fu du a srefi gi wi. (Mar 16:17,18)
"Noiti mi ben man taki so bun" (Eks.4:10)	"Mi sa leri yu san yu mus taki."(Eks.4:12)	En di meki a tongo , sa gi wi den wortu di wi abi fanowdu, te a ten doro drape.(Eks. 4:11;Luk.12:11,12)

Tefu kba, Gado taigi Moses," No wan ,pardon mi, : Yu kan duen e'n yu sa duen."(Eks.4:14-17).

DRAI GO BAKA NA EGEPTI

**"Na wan sribi presi na sei pasi, Masra miti Moses,e'n a ben sa kiri en."
(Eksodes 4:24)**



A fosi sani di Moses du, di a ben sa drai go baka na Egepti,ben de fu aksi a pa fu en frow permisi. (Eks.4:18). Dan a teki en famiri, a bigin waka(Eks.4:20) Ma wan onferwakti sani psa. Na pasi Gado ben wani fu kiri en.(Eks.4:24).

Sepora ferstan san ben e psa, dan a du san a ben musu du, fu sani no waka takru,sobu dede no fadon : A besnij a boi.(Eks. 4:25).

Moses (di ben du fa a frow ben gwent) no ben besnij a boi. Sofasi a no ben gi yesi na a kondisi fu a ferbontu di a ben seti nanga Abraham.(Gein. 17:10).

Sabi ,yu du, na ogri. Di Moses psa a krin komandi fu Gado,a poti ensrefi ,pe Moses no ben sa man tyari a folku. A setewasi disi ben musu kenki fosi ,bifo a ben kan du a wroko.



“Wan sma sa kisi krakti e'n du en wroko bun efu a teki den franwortu di Gado poti na en tapu e'n nanga en heri sili ai meki muiiti fu abi a koni fu tyari en wroko wan reti fasi. Awasi en presi de wan fu sakafasi , noso en koni syatu, a sa gro miti tru tru grani efu ini fertrow fu Gado krakti, ai suku fu du en wroko getrow. Efu Moses ben teki a wroko nanga eigi krakti nanga koni e'n nanga gridi, teki a bigi frantwortu a ben sa sori dati a no ben de warti sref'srefi fu du so wan wroko. Fu tak' leti: Fu di wan sma e firi dati a swaki ,dati na wan getoigi srefi dati ai si a bigi fu a wroko di a kisi e'n dati a sa meki Gado en rai man nanga en krakti.”